



REPUBLIKA E KOSOVËS / REPUBLIKA KOSOVA

GJYKATA THEMELORE MITROVICË

Numri i lëndës: 2023:000807

Datë: 23.01.2023

Numri i dokumentit: 03887850

**P.nr.06/2023**

### **NË EMËR TË POPULLIT**

**GJYKATA THEMELORE NË MITROVICË** - Departamenti i Përgjithshëm, Divizioni Penal gjyqtarja e vetme gjykuese Benita Berisha, me procesmbajtësen-praktikanten Diellza Bojku , në çështjen penale ndaj të pandehurit B. J. nga M. për shkak të veprës penale: Vjedhja e pyllit nga neni 349 par.1 të Kodit Penal të Republikës së Kosovës (tutje: KPRK), duke vendosur sipas aktakuzës së Prokurorisë në Mitrovicë - Departamenti i Përgjithshëm PP.II.nr.2360/2022, të datës 27.12.2022 dhe kërkesës për shqiptimin e urdhrin ndëshkimor, pa mbajtjen e shqyrtimit gjyqësor, jashtë seancës me datë 23.01.2023, mori këtë:

### **A K T G J Y K I M**

PRANOHET Kërkesa e Prokurorisë Themelore në Mitrovicë – Departamenti i Përgjithshëm PP.II.nr.2360/2022, të datës 27.12.2022 dhe kjo gjykatë konform dispozitës të nenit 495 të KPPK-së, jep këtë:

### **URDHËR NDËSHKIMOR**

I pandehuri:

B. J. nga i ati A., e ëma S. i lindur më .... në M. me vendbanim në fshatin M. të Komunës së M. me nr. personal .... i gjendjes së dobët ekonomike, shqiptar, shtetas i Republikës së Kosovës.

### **ËSHTË FAJTOR**

Sepse:

Me datë 25.09.2022, rreth orës 13:50, në terrenin e fshatit G., në vendin malor të quajtur “Rreze e G.” të komunës së M. i pandehuri B. J. me qëllim vjedhje, në pyllin e pronësisë shoqërore administruar nga A.P.K zyra në M., me sharrë motorike ka prerë 215 copë dru, të llojit Ahu, me dimensione diametri 8 cm, lartësia 9 m, me vëllim të përgjithshëm prerë 2.58 m<sup>3</sup>, me cka ka shkaktuar dëm në vlerë prej 394.74 euro e kështu duke e dëmtuar A.P.K-në zyra Mitrovicë.

Me këtë ka kryer veprën penale: Vjedhja e Pyllit nga neni 349 par. 1 të KPRK-së.

Andaj, Gjykata në bazë të dispozitave të nenit 1, 3, 4, 7, 17, 21, 38, 39, 40, 43, e 69 e 349 par.1 të KPRK-së, si dhe nenit 365, 450, 453, 493 e 495 të KPP-së të pandehurit i:

## **SHQIPTON**

1. Dënim me gjobë në shumë prej 200€ (dyqind euro), të cilin dënim është i obliguar që ta paguaj në afat prej 15 ditësh nga dita e plotfuqishmërisë së këtij aktgjykimi. Nëse i pandehuri nuk e paguan gjobën në afatin e caktuar, gjykata do të veprojë në bazë të nenit 43 par.3 të KPRK-së, ashtu që dënimin me gjobë do t'ia zëvendësoj me dënim me burgim, duke i llogaritur për çdo 20 € (njëzet) euro gjobë me një (1) ditë burg.
2. Obligohet i pandehuri që në emër të shpenzimeve procedurale dhe atë në emër të paushallit gjyqësor të paguaj shumën prej 20€, ndërsa në emër të taksës për kompensimin e viktimave të krimit shumën prej 30€, të gjitha këto në afat prej 15 ditësh nga dita e plotfuqishmërisë së këtij aktgjykimi, nën kërcënim të përmarimit me detyrim.
3. Pala e dëmtuar-Autoriteti Pyjor Komunal në Mitrovicë, për realizimin e kërkesës pasurore juridike udhëzohet në kontest të rregullt juridiko-civil.

## **A r s y e t i m**

Prokuroria Themelore në Mitrovicë – Departamenti i Përgjithshëm, ka ngritur aktakuzën PP.II.nr.2360/2022, të datës 27.12.2022, kundër të pandehurit B. J. për shkak të veprës penale: Vjedhja e pyllit nga neni 349 par.1 të KPRK-së dhe njëherësh, nga gjykata ka kërkuar dhënien e urdhrin ndëshkimor-Dënim me gjobë, me arsyetimin se ka prova të besueshme nga kallëzimi penal dhe provat e propozuara lidhur me arsyeshmërinë e aktakuzës së propozuar në drejtim të vërtetimit të fakteve se i pandehuri, vërtetë e ka kryer veprën penale për të cilën akuzohet.

Gjykata, me rastin e shqyrtimit paraprak të çështjes, gjeti se aktakuza dhe kërkesa janë të bazuara dhe se janë plotësuar kushtet nga neni 493 i KPPK-së, që të pranohet kërkesa për dhënien e urdhrin ndëshkimor dhe në përputhje me nenin 495 të KPPK-së të jepet aktgjykimi pa u mbajtur shqyrtimi gjyqësor, si në dispozitiv të këtij aktgjykimi.

Gjykata, vlerëson se provat e bashkangjitura në shkresat e lëndës dhe atë: Shënimet personale dhe dëmi i shkaktuar me nr.70/22 i datës 08.11.2022, Fletëparaqitja për dëmin e pyllit, fotodokumentacioni nga vendi i ngjarjes dhe shkresat tjera të lëndës, janë prova të besueshme mbi bazën e të cilave vërtetohet se i pandehuri ka kryer veprën penale për të cilën është akuzuar.

Sipas KPRK-së, për veprën penale: Vjedhja e pyllit nga neni 349 par.1 të KPRK-së, është paraparë dënimi me gjobë ose me burgim deri në një (1) vit.

Gjykata konform nenit 69 të KPRK-së, me rastin e caktimit të lartësisë së dënimit me gjobë, vlerësojë të gjitha rrethanat në matjen e dënimit, ashtuqë gjykata është e bindur se dënimi i shqiptuar është në proporcion me peshën e veprës penale, përgjegjësinë penale dhe shkallën e rrezikshmërisë shoqërore, duke vlerësuar se me një dënim të tillë do të arrihet qëllimi i dënimit, i cili parashihet me nenin 38 të KPRK-së, pasi që njëra nga qëllimet e dënimit është të parandalojë kryerësin nga kryerja e veprave penale në të ardhmen dhe të bëjë rehabilitimin e tij, të parandalojë personat e tjerë nga kryerja e veprave penale, të shpreh gjykimin shoqëror për

veprën penale, ngritjen e moralit dhe forcimin e detyrimit për respektimin e ligjit dhe se i pandehuri do të përmbahet nga prerja e pyjeve dhe veçanarisht të ketë kujdes të shtuar, që të mos i dëmtoj pyjet, në çfarëdo forme, në mënyrë që të mos rrezikohet pasuria materiale e askujt. Poashtu, ky dënim do të shërbejë si masë preventive që në të ardhmen i pandehuri të përmbahet nga çfarëdo veprimi me të cilin çënohet pasuria e të tjerëve.

Vendimi për kompensimin e shpenzimeve të procedurës penale, për paushallin gjyqësor, u bazua në nenin 450 par.2 pika 2.6 dhe 453 par.1 të KPP-së. Ndërsa taksa për kompensimin viktimave të krimit, në kuptim të nenit 39 par. 3 të Ligjit nr. 05\L-036 për Kompensimin e Viktimave të Krimit.

Vendimi mbi udhëzimin e palës e dëmtuar për realizimin e kërkesës pasurore-juridike në kontest civil është marrë konform nenit 463 par.2 lidhur e par.1 të KPPK-së.

Nga sa u tha më lart, e në bazë të neneve 365 e 495 të KPPK, u vendos si në dispozitiv të këtij aktgjykimi.

**GJYKATA THEMELORE NË MITROVICË**  
**Departamenti i Përgjithshëm-Divizioni Penal**  
**P.nr.06/2023, datë 23.01.2023**

Diellza Bojku  
Procesmbajtëse-praktikante

**G j y q t a r j a**  
Benita Berisha

---

**KËSHILLË JURIDIKE:** Kundër këtij aktgjykimi i pandehuri dhe mbrojtësi i tij mund te paraqesin kundërshtim, në afat prej 8 (tetë) ditëve, nga dita e pranimit të të njëjtit.. Kundërshtimi i parashtrohet kësaj Gjykate.